

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02-11-4- 1429 /20  
Datum: 20.03.2020.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 18. stav (1), člana 21. stav (1) tačka d) i člana 28. stav (1) Zakona o javnim nabavkama („Službeni glasnik Bosne i Hercegovine”, broj 39/14), te Posebne odluke o pokretanju postupka javne nabavke broj: 02-11-4-1405/20 od 20.03.2020. godine policijski komesar, d o n o s i:

**ODLUKU O POKRETANJU PREGOVARAČKOG POSTUPKA BEZ OBJAVE**  
**OBAVJEŠTENJA SA JEDNIM PONUĐAČEM**

**I**

Određuje se pokretanje postupka javne nabavke roba – sredstva za dezinfekciju za potrebe Uprave policije Ministarstva unutrašnjih poslova Kantona Sarajevo.

**II**

Zakonski osnov za provođenje postupka javne nabavke predstavlja član 21. stav (1) tačka d) i člana 28. stav (1) Zakona o javnim nabavkama („Službeni glasnik Bosne i Hercegovine”, broj 39/14).

**III**

Procjenjena vrijednost nabavke iznosi 10.000,00 KM bez PDV-a.

**IV**

Novčana sredstva za plaćanje nabavke osiguravaju iz Budžeta Kantona Sarajevo za 2020. godinu, razdjel 17 - MUP, glava 02 - Uprava policije.

**V**

Postupak javne nabavke će se provesti putem pregovaračkog postupka bez objave obavještenja u skladu sa Zakonom o javnim nabavkama i podzakonskim aktima.

**VI**

Ova odluka stupa na snagu danom donošenja.

**OBRAZLOŽENJE**

Krizni štab Ministarstva zdravstva Kantona Sarajevo zbog praćenja situacije i poduzimanja mjera radi sprečavanja i ranog otkrivanja bolesti izazvane novim korona virusom (Covid-19) koji je proglašen zaraznom bolešću, čije je sprečavanje i suzbijanje od interesa za Federaciju BiH, održao je sjednicu 10.03.2020. godine i donio naredbu kojom se preciznije definiše i nalaže postupanje javnih subjekata i pojedinaca u trenutnim okolnostima. U ovoj naredbi su između ostalog sadržane i preporuke za postupanje građana izdate od strane Službe za epidemiologiju Federacije BiH, a sve u cilju prevencije.

Na osnovu Zakona o zaštiti spašavanja ljudi i materijalnih dobara od prirodnih i drugih nesreća i odluke Vlade FBiH od 16. marta Federalni štab civilne zaštite donio je niz naredbi kojim će se pokušati suzbiti širenje koronavirusa na području FBiH.

Uprava policije Ministarstva unutrašnjih poslova Kantona Sarajevo ima više od 1.600 zaposlenika i veliki broj objekata u kojima isti obavljaju svoje radne zadatke. Veliki broj policijskih službenika svoje radne zadatke obavljaju i izvan objekata Uprave policije, s obzirom da je unutrašnja sigurnost u nadležnosti ovog organa uprave.

Svjetska zdravstvena organizacija je 11.03.2020. godine službeno proglasila pandemiju, Vijeće ministara BiH je donijelo Odluku o proglašenju stanja prirodne ili druge nesreće na teritoriji Bosne i Hercegovine 17.03.2020. godine, Vlada FBiH je donijela Odluku o proglašenju stanja nesreće zbog koronavirusa na području FBiH 16.03.2020. godine, te je s tim u vezi i Agencija za javne nabavke Bosne i Hercegovine izdala saopštenje broj: 02-02-1-489-1/20 od 17.03.2020. godine kojim se obrazlaže način postupanja ugovornih organa u provođenju postupaka javnih nabavki neophodnih za sprječavanje širenja i ublažavanje posljedica pomenutoga.

Član 21. stav (1) tačka d) Zakona o javnim nabavkama („Službeni glasnik Bosne i Hercegovine”, broj 39/14) propisuje da ugovorni organ izuzetno može ugovor o nabavci dodjeljivati putem pregovaračkog postupka bez objave obavještenja o nabavci u slučaju kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ (viša sila), ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak s objavom obavještenja o nabavci. Okolnosti kojima se opravdava izuzetna hitnost postupka ni u kom slučaju ne smiju se dovesti u vezu s ugovornim organom.

Budući da je Svjetska zdravstvena organizacija WHO proglasila pandemiju koronavirusom (CoVID-19), u cilju poduzimanja najviših mjera zaštite stanovništva i na način sprječavanja, zaraze koronavirusom, neophodno je izvršiti hitnu nabavku sredstava za dezinfekciju. Takođe, u svrhu postupanja u skladu sa mjerama Kriznog štaba Ministarstva zdravstva Kantona Sarajevo i naredbama Federalnog štaba civilne zaštite, s obzirom na nastalu situaciju hitnosti u prevenciji i zaštiti svojih zaposlenika (namještenika, državnih službenika i policijskih službenika), a istovremeno i u cilju adekvatnog očuvanja unutrašnje sigurnosti, a kako zaposlenici ovog organa uprave konstantno u vršenju svojih radnih zadataka dolaze u kontakt sa velikim brojem građana, čime su izloženi većem riziku, te zbog potrebe hitnosti za reakcijom u svrhu prevencije i zaštite, ugovorni organ pokreće predmetnu nabavku.

Ugovorni organ će prilikom provođenja predmetnog postupka voditi računa da ugovorena cijena ne bude veća od uporedive tržišne cijene.

**POLICIJSKI KOMESAR**  
**Generalni inspektor policije**

**Nusret Selimović**

**Dostaviti:**

1. Sektoru za materijalno finansijske poslove
2. Odjeljenju za odnose s javnošću, radi objave na web stranici ovog organa
3. a/a